



«16» դեկտեմբերի 2021թ

ք.Երևան

Որոշում N 1649

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) ղեկավարի տեղակալ Գոհար Դարբինյանս, ուսումնասիրելով.

- 1) Տեսչական մարմնի ղեկավարի 2021թ.-ի սեպտեմբերի 09-ի թիվ 21090128 հանձնարարագիրը,
- 2) 2021 թվականի հոկտեմբերի 27-ի թիվ 21090128 ստուգման ակտը,
- 3) վարչական իրավախախտումների վերաբերյալ 2021 թվականի դեկտեմբերի 07-ի թիվ 1571 արձանագրությունը,
- 4) վարչական իրավախախտումների վերաբերյալ գործի քննությանը մասնակցելու վերաբերյալ 2021 թվականի դեկտեմբերի 07 ծանուցումը,
- 5) Պատմագիր՝ N 1707, 1063, 2042, 3672, 3761, 1820, 4016 3761, 1584, 1781, 2042, 2041, 2020, 1820, 1781, 2938, 3985, 1283, 3103, 2750, N1063,
- 6) «Հիվանդանոցային բուժման ընդունված պացիենտների հաշվառման մատյան»-ը:

Պարզեցի

ՀՀ առողջապահական և աշխատանքի տեսչական մարմնի ղեկավարի 2021 թվականի սեպտեմբերի 9-ի թիվ 21090128 հանձնարարագրի հիման վրա, ՀՀ ք. Երևան, գտնվելու վայրը ք. Երևան, Բաղրամյան, 2/22 Էրեբունի Ռոստոմյան փողոց 17/1, Աջափնյակ Դավթաշեն թաղամաս Փ/Ա հ25 և ք. Մասիս, Արդյունաբերական հանգույց, Գործարանային փողոց 2 հասցեներում գործունեություն իրականացնող «Մեդլայն Կլինիկ» ՍՊ ընկերությունում (այսուհետ՝ Ընկերություն) (պետական գրանցման համարը՝ 264.110.769600, գրանցման ամսաթիվը՝ 30.05.2013թ., ՀՎՀՀ՝ 00124396) Ընկերության տնօրեն Հայկ Ռուբենի Մովսեսյանի մասնակցությամբ 2021 թվականի սեպտեմբերի 22-ից մինչև 2021 թվականի հոկտեմբերի 11-ը իրականացվել է ռիսկի վրա հիմնված թեմատիկ ստուգում (ստուգման ժամանակաշրջանը՝



30.05.2013թ.-ից մինչև 11.10.2021թ.)՝ ՀՀ կառավարության 2020 թվականի ապրիլի 30-ի թիվ 718-Ն որոշմամբ հաստատված «Մասնագիտացված բժշկական օգնություն Պալիատիվ բժշկական օգնության և սպասարկման վերահսկողություն Q 86.22 (S9S7)»՝ ստուգաթերթ N 3.1, «Մասնագիտացված բժշկական օգնություն հիվանդանոցային գործունեություն (18-ից բարձր տարիքի անձանց) Բժշկական սպասարկման բնագավառի վերահսկողություն Q 86.10, 86.22 (S9S7)»՝ N 3.6, «0-ից 18 տարեկան անձանց արտահիվանդանոցային բժշկական օգնության և սպասարկման վերահսկողություն Q86.21, 86.22 (S9S7)»՝ N3.9, «18 տարեկանից բարձր անձանց արտահիվանդանոցային բժշկական օգնության և սպասարկման վերահսկողություն մեծահասակների և խառը տիպի պոլիկլինիկայում Q86.21, 86.22 (S9S7)»՝ N3.10, «Մասնագիտացված բժշկական օգնություն և սպասարկում Մանկաբարձագինեկոլոգիական հիվանդանոցային բժշկական օգնություն և սպասարկում Բժշկական սպասարկման բնագավառի վերահսկողություն Q 86.10, 86.22 (S9S7)»՝ N3.7, «Լաբորատոր-գործիքային ախտորոշիչ հետազոտությունների իրականացման վերահսկողություն Q 86.10, 86.21, 86.90 (S9S7)»՝ N 3.13, «Արտահիվանդանոցային մանկաբարձագինեկոլոգիական բժշկական օգնության և սպասարկման վերահսկողություն Q 86.21, 86.22 (S9S7)»՝ N 3.14, «Շտապ և անհետաձգելի բժշկական օգնության և սպասարկման վերահսկողություն Q86.22, 86.90 (S9S7)»՝ N3.15 ստուգաթերթերով նախատեսված բոլոր հարցերի շրջանակներում:

Իրականացված ստուգման արդյունքում գործում առկա նյութերի ուսումնասիրությամբ բացահայտվեց, որ Ընկերության ընդունարանի միջին բուժաշխատող Արևիկ Աղավելյանի կողմից վարվող՝

1. Պատմագիր N 1707-ում լրացված չեն «ում կողմից է ուղեգրվել, ամսաթիվ», «ընտանեկան դրություն, սոց. կարգավիճակ», մասնագիտություն», «փոխադրվել է ստացիոնար անհետաձգելի ցուցումներով», «հոսպիտալացվել է պլանային կարգով», Պատմագիր N 2042-ում, Պատմագիր N 1063-ում՝ «ուղեգրող հաստատության ախտորոշում», Պատմագիր N 3761-ում՝ «փոխադրվել է ստացիոնար անհետաձգելի ցուցումներով», Պատմագիր N 3672-ում՝ «ընտանեկան դրություն, սոց. կարգավիճակ, մասնագիտություն, աշխատանքի վայր, պաշտոնը», «փոխադրվել է ստացիոնար անհետաձգելի ցուցումներով», «հոսպիտալացվել է պլանային կարգով», Պատմագիր N 1584-ում՝ «ընտանեկան դրություն, սոց. կարգավիճակ, մասնագիտություն, պաշտոնը», «փոխադրվել է ստացիոնար անհետաձգելի ցուցումներով», «հոսպիտալացվել է պլանային կարգով», «ուղեգրող հաստատության ախտորոշում», Պատմագիր N1781-ում՝ «ընտանեկան դրություն, սոց. կարգավիճակ, մասնագիտություն, աշխատանքի վայր», «փոխադրվել է ստացիոնար անհետաձգելի ցուցումներով», «հոսպիտալացվել է պլանային կարգով», «ուղեգրող հաստատության ախտորոշումը», Պատմագիր N2042-ում՝ «ընտանեկան դրություն, սոց. կարգավիճակ, մասնագիտություն, աշխատանքի վայր», «փոխադրվել է ստացիոնար անհետաձգելի ցուցումներով», Պատմագրեր N1820-ում, N4016-ում N3761-ում՝ «ընտանեկան դրություն, սոց. կարգավիճակ, մասնագիտություն», Պատմագրեր N2020-ում, N1820-ում, N2041-ում, N1781-ում՝ «ընդունման ժամը», Պատմագիր N 2938-ում՝ «ուղեգրող

հաստատության ախտորոշում», «ընտանեկան դրություն, սոց. կարգավիճակ, մասնագիտություն, աշխատանքի վայր», «փոխադրվել է ստացիոնար անհետաձգելի ցուցումներով», «հոսպիտալացվել է պլանային կարգով», Պատմագրեր N3985-ում, N1283-ում՝ «ընտանեկան դրություն, սոց. կարգավիճակ, մասնագիտություն, պաշտոնը», «փոխադրվել է ստացիոնար անհետաձգելի ցուցումներով», «հոսպիտալացվել է պլանային կարգով», Պատմագրեր N3103-ում, N2750-ում, N1063-ում՝ «ընտանեկան դրություն, սոց. կարգավիճակ, մասնագիտություն», «փոխադրվել է ստացիոնար անհետաձգելի ցուցումներով», «հոսպիտալացվել է պլանային կարգով» տողերը, որով խախտվել են «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի, ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի, հավելված 1-ի, ձև 1-ի պահանջները:

2. «Հիվանդանոցային բուժման ընդունված պացիենտների հաշվառման մատյան»-ը լրացվում է թերի, չեն լրացվում՝ «Անձնագիր», «Աշխատանքի վայր», «Ուղեգրող հաստատություն», «Բաժանմունք», «Բուժօգնության տեսակ /վճարովի, պետպատվեր, համավճար/», «Այլ նշումներ» վերտառությամբ սյունակները (Ստուգաթերթի 133.1-րդ կետ)՝ խախտելով «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի, ՀՀ առողջապահության նախարարի 2019 թվականի հոկտեմբերի 18-ի «Հիվանդանոցային բժշկական օգնություն և սպասարկում իրականացնող բժշկական կազմակերպության ընդունարանում պացիենտի վարման գործելակարգը հաստատելու մասին» N44-Ն հրամանի, հավելված 2-ի, ձև 1-ի պահանջները:

3. «Հիվանդանոցային բուժման ընդունված պացիենտների հաշվառման մատյան»-ում չեն լրացվում «ընդունման ամիս, ամսաթիվ, ժամ» սյունակում ժամը, «Անձնագիր», «Աշխատանքի վայր», «Ուղեգրող հաստատություն», «Բաժանմունք», «Բուժօգնության տեսակ /վճարովի, պետպատվեր, համավճար/», «Այլ նշումներ» վերտառությամբ սյունակները: «Դուրս գրման ամսաթիվ» սյունակի ոչ բոլոր տողերն են լրացված (Ստուգաթերթի 138-րդ կետ)՝ խախտելով «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի, ՀՀ առողջապահության նախարարի 2019 թվականի հոկտեմբերի 18-ի «Հիվանդանոցային բժշկական օգնություն և սպասարկում իրականացնող բժշկական կազմակերպության ընդունարանում պացիենտի վարման գործելակարգը հաստատելու մասին» N44-Ն հրամանի, հավելված 1-ի, գլուխ 2-ի, կետ 18-ի պահանջները:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը 2021 թվականի դեկտեմբերի 07-ին կազմվել է վարչական իրավախախտումների վերաբերյալ N 1571 արձանագրությունը, որը վարչական իրավախախտումների վերաբերյալ գործի քննության ծանուցագրի հետ միասին առձեռն հանձնվել է Արևիկ Աղավաթյանին:

Տեսչական մարմնում 2021 թվականի դեկտեմբերի 16-ին տեղի է ունեցել վարչական իրավախախտման վերաբերյալ գործի քննություն, որին պատշաճ կարգով



ծանուցված Արևիկ Աղավելյանը չի ներկայացել և չի ներկայացրել միջնորդություն գործի քննությունը հետաձգելու մասին:

2. Պատճառաբանական մաս

Վարչական մարմինը հաստատված է համարում, որ Արևիկ Աղավելյանի կողմից խախտվել են «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետով, ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի հավելված 1-ի ձև 1-ով, ՀՀ առողջապահության նախարարի 2019 թվականի հոկտեմբերի 18-ի «Հիվանդանոցային բժշկական օգնություն և սպասարկում իրականացնող բժշկական կազմակերպության ընդունարանում պացիենտի վարման գործելակարգը հաստատելու մասին» N 44-Ն հրամանի հավելված 2-ի ձև 1-ով, հավելված 1-ի գլուխ 2-ի կետ 18-ով, հավելված 2-ի ձև 1-ով սահմանված պահանջները:

«Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի համաձայն՝ ավագ և միջին բուժաշխատողները պարտավոր են՝ օրենսդրությամբ սահմանված կարգով լրացնել, վարել և շրջանառել բժշկական փաստաթղթերը, այդ թվում՝ էլեկտրոնային առողջապահության համակարգում:

ՀՀ առողջապահության նախարարի 2014 թվականի փետրվարի 14-ի «Հիվանդանոցային բժշկական կազմակերպություններում կիրառվող մի շարք բժշկական փաստաթղթերի ձևերը հաստատելու մասին» 02-Ն հրամանի, հավելված 1-ով հաստատվել է «Մեծահասակի հիվանդության պատմագրի» ձևը:

ՀՀ առողջապահության նախարարի 2019 թվականի հոկտեմբերի 18-ի «Հիվանդանոցային բժշկական օգնություն և սպասարկում իրականացնող բժշկական կազմակերպության ընդունարանում պացիենտի վարման գործելակարգը հաստատելու մասին» N 44-Ն հրամանի հավելված 2-ի ձև 1-ով հաստատվել է «հիվանդանոցային բուժման ընդունված պացիենտների հաշվառման» մատյանը:

ՀՀ առողջապահության նախարարի 2019 թվականի հոկտեմբերի 18-ի «Հիվանդանոցային բժշկական օգնություն և սպասարկում իրականացնող բժշկական կազմակերպության ընդունարանում պացիենտի վարման գործելակարգը հաստատելու մասին» N 44-Ն հրամանի հավելված 2-ի 2-րդ գլխի 18-րդ կետի համաձայն՝ «Պացիենտի հիվանդանոցային (ստացիոնար) բուժման ընդունման դեպքում Ընդունարանի հերթապահ բուժքույրը սույն հրամանի Հավելված 2-ով հաստատված «Հիվանդանոցային բուժման ընդունված պացիենտների հաշվառման մատյան»-ի Ձև 1-ում՝ լրացնում է պացիենտի վերաբերյալ բոլոր տվյալները և պացիենտին կամ նրա օրինական ներկայացուցչին (նրա հարազատներին/ուղեկցողին) պարտադիր կարգով իրազեկում է իրենց իրավունքների, պարտականությունների, ներհիվանդանոցային կանոնակարգի, ինչպես նաև պետության կողմից երաշխավորված անվճար և արտոնյալ

պայմաններով բժշկական օգնություն և սպասարկում ստանալու իրենց իրավունքների վերաբերյալ»:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է Արևիկ Աղավեյանը:

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Արևիկ Աղավեյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

Վարչական մարմնի կողմից ուսումնասիրության առարկա են դարձվել Արևիկ Աղավեյանի կողմից վարվող «Հիվանդանոցային բուժման ընդունված պացիենտների հաշվառման մատյան»-ը և N 1707, 1063, 2042, 3672, 3761, 1820, 4016 3761, 1584, 1781, 2042, 2041, 2020, 1820, 1781, 2938, 3985, 1283, 3103, 2750, 1063 պատմագրերը, որի արդյունքում, Վարչական մարմինն արձանագրում է, որ Արևիկ Աղավեյանի կողմից վերոնշյալ բժշկական փաստաթղթերը չեն լրացվում սահմանված կարգի համաձայն:

«Վարչական իրավախախտումների վերաբերյալ» ՀՀ օրենսգրքի 282-րդ հոդվածի 1-ին մասի համաձայն՝ «Քննելով վարչական իրավախախտման վերաբերյալ գործը, մարմինը (պաշտոնատար անձը) ընդունում է հետևյալ որոշումներից մեկը՝

- 1) վարչական տույժ նշանակելու մասին.
- 2) գործի վարույթը կարճելու մասին»:



«Վարչական իրավախախտումների վերաբերյալ» ՀՀ օրենսգրքի 47.18-րդ հոդվածի 3-րդ մասի համաձայն՝ Պարտադիր վարման ենթակա բժշկական (այդ թվում՝ էլեկտրոնային) փաստաթղթերի լրացման կամ շրջանառության պահանջները խախտելը՝ առաջացնում է տուգանք՝ սահմանված նվազագույն աշխատավարձի քսանապատիկից մինչև երեսնապատիկի չափով:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230-րդ, 279-րդ, 281-րդ, 283-րդ հոդվածներով և 282-րդ հոդվածի 1-ին մասով՝

Որոշեցի

1. Արևիկ Աղավեյանին՝ որպես խախտում թույլ տված անձի, «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետը խախտելու համար, «Վարչական իրավախախտումների վերաբերյալ» ՀՀ օրենսգրքի 47.18-րդ հոդվածի 3-րդ մասով ենթարկել վարչական տույժի՝ սահմանված նվազագույն աշխատավարձի քսանապատիկի չափով՝ 20.000 (քսան հազար) ՀՀ դրամ վարչական տուգանքի:

2. Սույն որոշումը ծանուցել Արևիկ Աղավեյանին (ք. Երևան, Արցախի փողոց 10 Գ, բն. 34):

3. Սույն վարչական ակտն ուժի մեջ է մտնում մասնակցին իրազեկելու հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

ՂԵԿԱՎԱՐԻ ՏԵՂԱԿԱԼ՝

X 
ԳՈՀԱՐ ԴԱՐԲԻՆՅԱՆ

Signed by: DARBINYAN GOHAR 5705820186

ԳՈՀԱՐ ԴԱՐԲԻՆՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց

բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունների հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)



ՀՀ ԱՆՈՒՅՈՒՆՆԵՐՈՒՄԻ ԵՎ ԼԱԲՈՐԱՆՈՒՄԻ
ՏՈՒՇԵՐԱԿԱՆ ՍԵՐՎԻՍ
HEALTH AND LABOUR INSPECTORATE BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hiib.am
www.hiib.am
Թեժ գիծ՝ 8107